

Y Trol

Nodyn bach:

*Mae'r darn yma wedi cael ei dewis allan o'r sioe "Y Trol Wnaeth Ddwyn y 'Dolig."
Mae Seren yn edrych am eu chwirydd sydd wedi cael ei herwgipio gan y Trol. Ar y siwrne mae hi yn cyfarfod tylluan, llwynog a dau ystlum. Cwilsyn ydi'r storiwr.
Defnyddiwch y sgript mewn unrhyw ffordd dymunwch, ac os da chi eisiau sialens,
beth amdan greu diwedd i'r stori eich hunan? Mwynhewch!*

- SEREN : 'Noswaith Dda gwdihw. Sud dachi heno? Dachi'n edrych braidd yn nerfus"
- GWDIHW : Ydwi? Mi fysa chdi'n nerfus iawn hefyd yn gwybod bod na Drol yn crwydro'r mynyddoedd yma.
- SEREN : Trol? **(YW HYN)** Y trol nath ddwyn Sara, Siwan a Chwci Chwcs. **(I'R GWDIHW)**
Be dachi'n wbod am trols gwdihw?
- GWDIHW : Oo dim byd o gwbl. Dwi'm eisiau troi mewn i garreg.
- SEREN : Be? Ma'r trol yn gallu troi anifeiliaid mewn i gerrig?
- GWDIHW : Anifeiliaid a phobl.
- SEREN : Sut?
- GWDIHW : Rhwngtha chdi a fi... ma gan Trol hud.
- SEREN : Pa fath o hud?
- GWDIHW : Dwi di deud gormod yn barod.
- SEREN: Mae trols yn gallu troi pobol ac anifeiliaid mewn i garreg. **(CYFEIRIO AT AELOD O'R GYNULLEIDFA)** cofia hynny.
- (DARN SYMUD Y SIWRNE)**
- (SWN Y LLWYNOG)**
- CWILSYN: Aeth Seren yn ei blaen ar hyd y llwybr. Ac ymhen amser, mi welodd hi rhywun yn dawnsio disco ar hyd y llwybr tuag ati.
Llwynog oddo.
- SEREN: Be yn y byd...?

LLWYNOG : Hei cwl leidi, be ti'n neud yn y goedwig yma yng nghanol nos?

SEREN : Dwi'n chwilio am trol sydd wedi dwyn fy iar a'n chwiorydd.

LLWYNOG : Woooow. Heavy man. Trwm! Gair o gyngor i ti hogan fach. Ma trolls not too smart man. Os ti'n glyfar, quick witted a quick footed fel fi...ma'n hawdd twyllo trol.

SEREN : Diolch Llwynog

LLWYNOG : Paid a poeni little lady.

SEREN: Felly, mae trols yn hawdd i'w dwyllo. **(CYFEIRIO AT AELOD O'R GYNULLEIDFA)** Cofia hynny.

(YSTLUMOD YN HEDFAN)

SEREN: Ystlumod!

MARIAN : Gareth sbia! ma na hogan bach yn fama yn ganol nos ar ben ei hun.

GARETH : Eh? Hei, Marian, mae 'na hogan fach yn fama yn ganol nos ar ben ei hun.

MARIAN : Dwi newydd ddeud hyna Gareth! Byth yn gwrando, typical!

SEREN : Dwi'n sori i'ch styrbio chi ond dwi'n chwilio am yn chwiorydd i sydd wedi cael ei herwgipio gan trol.

MARIAN : O dos adra druan bach. Ti'm iws sdi. Ma trols rhy fawr, rhy gryf, rhy ffyrnig. Does na'm byd yn gallu dinistrio Trol.

GARETH : Heblaw am yr haul de Marian...

MARIAN : Bydd ddistaw Gareth. Paid a'i annog hi.

SEREN : Dwi'n mynd i ddod o hyd i'r Trol, hefo'ch cymorth chi, neu beidio. Unrhywbeth allwch chi ddeud wrtha i. Mi faswn i wir yn gwerthfawrogi.

GARETH : Wel...iawn

MARIAN : Nai ddeud... fyddi di di deud yn anghywir. Ma'n hen sdi. Os ydi golau'r haul, a dim ond golau'r haul yn taro ar groen y trol...mae'r golau pur yn troi y trol mewn i garreg.

SEREN : Diolch yn fawr iawn i chi.

MARIAN: Tyd Gareth!

(YSTLUMOD YN HEDFAN)

SEREN: Felly, mae Trols yn troi mewn i garreg yn golau haul **(CYFEIRIO AT AELOD O'R GYNULLEIDFA)** Cofia hynny.

CWILSYN: A mi aeth Seren yn ei blaen gan gofio fod trols yn defnyddio hud, fod trols yn hawdd i'w twyllo a fod trols yn troi fewn i garreg yng ngolau'r haul. Ond lle mae trols yn byw?

SEREN: Ond lle mae trols yn byw?

CWILSYN: Mae gorfod fod mewn rhywle tywyll, mawr ar ochr mynydd.

SEREN: Ogof!

CWILSYN: Dechreuodd Seren ddringo ochr y mynydd, drwy'r coed a dros y creigiau miniog.
Ac yn fuan iawn mi gyrhaeddodd Seren geg fawr dywyll yr ogof.
Gwrandawodd yn atsud i geisio dyfalu os oedd y Trol adra.